



КОМСОМОЛОНЬ ВАЙГЯЛЬ

Сембе масторонь пролетариятнө. нурмода маре!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.

Адресь: г. Саранск, Советская ул.,
Дом печати, телефон № 0-90.


Я Н В А Р Т Ъ
21-ЦЕ ШИСТОНЗА

1940 КИЗОНЯ

9 (1661) №

ЛИСЕНДИ КОВТИ 12-ксть.

ЛЕНИНСКИЙ КИТЬ ЭЗГА.



ТАСС-ть фото-визит.

КЕМГОТУВА КИЗА ЛЕНИНФТОМА—ЛЕНИНОНЬ КИГЕ

Йотась 16 киза, кода лоткась ни шавомда великай Ленинть седиец, кода на веки тусь минь эздонк человечествань генийсь, революциянь замечательнай стратегсь и тактиксь, тусь ся ломанць, конанц лемоц ащи символкс миронь сембе пролетариатти, капиталистический мирть каршес синь тюремасост, кона лемсь тя тюремаса валдопне-сы синь киснон.

1924 кизонь январь 21-це шистонза кулось Ленинць. Миронь сембе трудящайхне эрь кизоня чтут сонь колганза память.

Партиянь Центральной Комитетсь Ленинць куломанц коряс „партияти, сембе трудящайхненди“ обращениясонза сьормадсь: „Сембе, мезе ули пролетариатть эса поистине великай и героический, —бесстрашный ум, железный, не-сгибаемый, упорный, всепреодоле-вающий воля, священной нена-висть, рабствати и угнетения куломшка ненависть, революцион-най страсть, конач двигает пант-нень, массатнень творческий вий-снонды нефтема верондамась, пак оцю организационнай генийсь,—сембе тя мусь эсь великолепнай воплощенияц Ленинць эса, конанц лемоц арась символкс од мирти западста сьавомок востокти модемс, югста сьавомок северти модемс“.

Кулось Ленинць, но тевонза сонь эряйхть.

Марксонь и Энгельсонь кулом-дост меле, человеческий общест-вать историяц ашезь содсе тяфта-ма великай мыслитель, кодамкс ульсь Ленинць. Сон двинул Марк-сизмать инголи, козякфтозе сонь революционной движениянь опыта-са, применил сонь мастерски од эпохаса,—империализмань эпохаса.

Марксистско-ленинский теория-

ти замечательнай вклдкс ащи бур-жуазно-демократический револю-цияса пролетариатть руководящий роленц колга Ленинский учениясь, буржуазно-демократический рево-люциять пролетарский революци-якс шарфтоманц колга Ленинский учениясь. Тя од учениять Ленин развил 1905—1907 кизонь револю-циять пингста. Тя учениясь во-оружил русский пролетариатть ка-питализмать каршес тюрема.

Развивая сьада тов пролетарский революциять колга марксистский учениять, Ленин 1914 кизонь империалистический войнать пинг-ста макссь од, законченной теория сянь колга, што васенда аф лама странава, даже, фкя, башка сьав-странаса возможна строямс социа-лизма и невозможна строямс со-циализма сразу сембе странатнень эса.

Ленин козякфтозе, сьада тов развил марксистский теориять про-летариатонь диктатурать колга, пролетарский диктатурать полити-ческий форманц колга.

„Ленинонь учениясонза тя об-ластьса одсь ащи сянь эса,—сьор-мадсь Сталин ялгась,—што: а) сон открыл советский властть, ко-да пролетариатонь диктатурать государственной форманц, исполь-зовандамок тянь инкса Париж-ский Коммунаць и русский рево-люциять опытнон; б) сон панже-зень пролетариатонь диктатурать формуласта скобкатнень, кося-нифтезень пролетариатть союзни-конзон, определиндамок пролета-риатонь диктатурать, кода проле-тариатть классовой союзонь осо-бай форманц, конач ащи руководи-телькс аф пролетарский классонь эксплуатируемай массатнень (кре-стьянисть а илятнень лангса) ко-

нат ащихть руководимайкс; в) сон особай вийса подчеркнул ся фактть, што пролетариатонь диктатурась классовой обществать пингста ащи демократиянь высшай типокс, ко-нач выражает большинство (эксплуатируемайхнень) интерес-нон,—в противовес капиталисти-ческий демократияти, конач выра-жает меньшинствать (эксплоата-торхнень) интереснон“.

Ленин кадсь минь партиянькон-ди бессмертнай учения—ленинизм,—пролетарский революциянь тео-рия и тактика, героический опыт, конач воплощен Всесоюзной Комму-нистический партиять замечатель-най тевонзон эса и сьорматф марк-сизмань-ленинизмань основной зна-ниянь энциклопедияти—„ВКП(б)-ть историяц Краткой курсонцы“.

Великай Ленинць лазксонц велксса большевиконь партиять лемста Сталин ялгась макссь ис-торический клятва—улемс вер-найкс Ленинць заветонзонды, пе-да-пес пяхкодемс: революциянь великай стратегть завещаниянзон. Сталин ялгать клятвац арась зна-менакс, конанц перфь сплотились большевикнень-ленинцнень рядс-на,—миллиотт социализмань стро-ительхть.

Пяхкотькшнемок Ленинць заве-тонзон, минь партияньке создал стама крупной промышленности, конач оснощенной передовой тех-никаса, стама крупной велень хо-зяйства, кодама нинге аф содай капиталистический мирсь.

Всесоюзной коммунистический партиять и минь вожденьконь Сталинть руководстванц ала ус-пешнайста пяхкотьфт Сталинский кафта пятилеткатне. Аделамок народнай хозяйстваць технический

реконструкцияц, Ленинонь—Ста-линонь партиясь тийсь сембе ус-ловиятнень СССР-ть экономиканц сьада тов развитиянцы.

„Можна преувеличенияфтома азомс,—корхтась Сталин ялгась ВКП(б)-ть XVIII с'ездсонза,—што производствань техникаса, про-мышленность и земледелияць од техникаса насыщенностьса минь странаньке ащи сембода передо-войкс или любой странань коряс“.

1937 кизоня декабрь 11-це ши-стонза Москву ошень Сталинский избирательнай округонь избира-тельхнень собраниясост Сталин ялгась корхтамок депутатонди кандидатть избирательхненди со-ветонзон колга, азозе, што депу-таттненьди аф эряви валгондомс политический обывателень уро-веньц, а фалу иляткшнелхть Ленинский типонь политический деятельхнень высотас. Штоба синь улелхть тяфта жа яснай дея-телькс, кодамкс ульсь Ленинць, штоба синь тяфта жа улелхть вракнень каршес тюремаса бес-страшайхть, вернайхть народти, кодамкс ульсь Ленинць, штоба синь улелхть тяфта жа свободнайхть па-никать эзда, эста, мзярда разре-шают сложнай кизефкт, штоба синь улелхть тяфта жа честнайкс и правдивайкс, кодамкс ульсь Ленинць, штоба синь тяфта жа кельголезь эсь народснон, кода сонь кельгозе Ленин, штоба синь сембе эсь работасост подражали великай Ленинти.

Минь кадраньке, кода партий-найхне, а тяфта и аф партийнайх-не честь мархта пяхкотьшнесазь Сталин ялгать нят заветонзон.



Кода Федосья Никитишна Ленинь ширеса ульсь

Алянке минь кровельшикок ульсь, работась Смольнайса, да эстакиге революцияда инголе и кулось. Нльня жалованияцка илядсь апак получак. Временнай правительствась эвондась, тядянке тусь ярмаконкса, а мрдась обижафста. Аньцек кизефтезь:

— А тон, бабаяй, няить, кода ватракшне арнихть?..

Тялось минь люпштамазь, тядянке корхтай:

— Сембе Ленинь шнайхть тyani, аф шаштомс ли тейне Смольнай?

Весть шовдава стяме—аш бабаньке. Арьсетяма—обедняса, а сон, бльшай, Смольнай уйсь... И арьседевака! Шашнесь, шашнесь тоса кабинеттень эзга, да Владимир Ильичть ширес повсь. Сьормады сон, сими конфет мархта кельме чайда..

Сон йофси ашезь арьсе, што тя самай сонць—эста портретта кржа ульсь,—и кизефни:

— Тон, сударь кодама тевсат: сьорматкшнят, али тефт кочксят? Сон пейдезевсь:

— Кода сави, сударыня. А тейть мезенди?

Мондейне ломаттне Ленинти марьгондсть молема, Владимир Ильичти. Корхтайхть, тонь тев-

чень, Федосья Никитишна, сембе начальникнень эзда аньцек Ленин может кочкамс... А мон ванан тонь лангозт, конашкава эрязста сьормадат, и арьсян: конашкава господинць грамотнай!—уж наверна, аф последний начальникнень эзда... Коста тейне Ленин мумс, аф лездат ли тейне?

Спокойна озань, и нюрхкянйста азондыне тевозень.

Сельмонза сонь веселайгадсть, рахси:

— Верна, Федосья Никитишна... Ленифтомонга тевть тисаськ.

Тердсь сотрудник, сьорманя книжканястонза максь:

„Ялгай, курокона тик Федосья Никитишнань тевонц“.

Тядянке сась куду, ярмакт няфни:

— Сембе начальникне Смольнайса пархт! Ленифтомонга тевть тиезь.

А кова меле базарста кандсь фотографический карточка:

— Вов рамань начальникть, конань мархта кабинетса ащень... Минь варжакстOME и дивандаме:

— Тядяй, да вдь ся Ленин ульсь!

Сьорматф 1928 кизоня Севернай машина киса.

ПЕЧНИК

Ульсь минь фкя ломаненьке, фамилияц Бендерин. Велень хозяйстваса сон сембе тейнень содаль: пнякутт марсель, полкат, нуртт твендель.

Весть сон тусь рошав и кармась тоса ушторонь пилендама. Пиленай сон ся ушторть, вдруг кули вайгяль:

— Шумбраши!

Бендерин, конешна, варжакстсь. Ваны: ащи кодама-бди аля. Бендерин тейнза корхтай:

— Виноватан, ваше высокоблагородия.

А ся алясь тейнза отвечай:

— Мон,—корхтай,—аф ваше благородиян. Мон,—корхтай,—Ленин ялгасян.

Бендерин тейнза танга пшкядсь:

— Виноватан,—корхтай,—Ленин ялгась.

А Ленин тейнза:

— Ну, пилендак, пилендак!

А сонць аердсь, арась ширеняв. Ваны, кода сон сядя тов кармай работама. Шуфтсь конашкава стака, кода сон вели алашафтома пачфтьсы?

Бендерин мерась шуфтть эзда байдекса, конашка тейнза эрявсь, кярозе и нолдазе панда прятка кеворезня. Тоса танга мрдась, танга кярсь.

Ленин тейнза корхтай:

— Тейть, пади, лездомс?

— Аф эряви, месьть тон? Мон моньцке тиса.

Тяни пингсь иля. Пингсь самай тише лядема ланга. Ся жа самай Бендеринць тусь рошав, танга шуфтонкса.

Кярсь сон уштор али келу, йотась лять туркс и озась ваймама. А тевсь ульсь иляденди.

Вов ащи сон, ваны: лятьфть эзга молихть колма ломатть:

А сон, ся Бендеринць, кяжи алясь, ивади тейст:

Месьть тинь тоса браклтада? Содасась конашкава тяни питни тишесь?

Яфодезе кяденц тейст... Нежедсть малати, фкясь синь эздост и корхтай:

— Ах, атяняй, конашкава тон цебарьста сюцяй!

Тяса Бендерин сонь и содазе:

— Виноватан,—корхтай,—Ленин ялгасы!

Ушедсь тялось. Печникне эста страшна афольхть сатне.

Ащи Ильич эсь кудсонза и кизефни:

— Аш ли тяса веленяса кодамовок печник, штоба качам кудсонк афоль уль?

А тоса Бендеринць содалезь, што сон печник.

— Печник,—корхтайхть, тяса ули фкя.

И тусть сонь инксонза.

Интересна..

Ардсть сонь ширезонза рысак лангса кафта военнайхть, сувасть куду и кизефнихть:

— Тон печниксь?

А сон пятна лангса ульсь. Венептезе тоста прянц, отвечай:

— Мон,—корхтай.

— Срхкак, мольтяма совхозу! Значит, Бендерин эводсь аф азомшка.

И корхтай рьванцы:

— Ну, Катюха, прощай. Оду мархтот аф няхтьяма. Наверна сире грубостень лятфтьса Ленин.

Озась ня военнайхнень мархта, тусь совхозу.

Пачкодсь. Лиссь тейнза Ильич и корхтай:

— А монь лядеть мялезон, атай! Ся тон,—корхтай,—рошаса уштор кяроть, а сядя меле лятьф лангса эвфтемать монь?..

Бендерин эводемать эзда мяк сяряткстсь:

— Виноватан,—корхтась.

А Ленин тейнза:

— Ну, ся ерунда. Лятьф лангса тон правильна сюцемайть, а мон аф правильна тиень, мес тишеть ланга молень. А тяни давай мархтот корхтатама, мезенкса тердихтень... Монь тейть ули пяк оцю эняльксозе. Нйасак, кода мон эрян. Монь сембе стенане равчкодсть качамть эзда. Тейть петев качам лисемась?

— Петеви,—корхтай.

Тяса Бендерин анась сьовонь, кирпичт и ушедсь работама.

Аделае работанц, Ильич тейнза азсь благодарность, максь ярмак работанкса и озафтозе эсь мархтонза чайда симме.

Сьорматф 1937 к. февральста Московский областень, Подольский районь Горки велеса Анфиса Летакинать валонзон коряс, конанди 50 киза.

ВЛАДИМИР ИЛЬИЧТЪ МАРХТА ВАСЕТЬКШНЕМАТ

Владимир Ильичть колга мон васенда кулень 1893 кизоня сьоксенда, мзярда сань Самарав и знакомондань сонь ялганзон—Исаак Христофорович Лалаянцть и Алексей Павлович Складенкоть мархта. Владимир Ильичсь Самараса ни ашель. Сон тусь Петербургу, но сонь ширденза сидеть сашендольхсь сьормат, конат ульсь сьорматф мелкай почеркса лама лист кагод лангс. Сьорматне корхтась лама интереснай кизефксонь колга. Синь лувомасна ащесь кода бта продолжениякс марстонь занятиятненди, кодапт уставаст Лалаянцть, Складенкоть и Владимир Ильичть йоткса Самараса сонь эряманц пингста.

Ня сьорматне сувафнесь пяк оцю оживления самарский однообразнай эряфти. Эр сьормась лувонкшневсь пяк ламоксть и тиендсь оживленной корхнемат и спорхт Владимир Ильичть ялганзон йоткса. Кулхпонткшнемок ня корхнематненди, мон эста васенда шарьхкодень, што тяса корхтамась моли аф аньцек маластонь другон и единомышленниксон колга. Ялгасна, конац ашель йоткост и конанди

синь кельгозь марьгонькшнесь „Ильич“ или „атя“, тьяка жа пингть ащи выдающей марксистокс-теоретикокс и революционеркс, конань авторитетот тейст, сонь ялганзонды, ащи пяк сериста.

1900 кизоть ушетксста минь Владимир Ильичть ширде получае нюрхкянй сьорманя, коса сон сьормадсь, што курок туй эсь ссылкастонза и ули Россиять ценраса. Тьяка жа кизонь март ковста Лалаянцть-якась тейнза „Южная рабочая“ редакциять поручениянц коряс, кона ся пингть тись попытка сявомс эсь лангозонза инициативать Россиясь РСДРП-нь II съездть организовандамаса, Ленинь мархта васедемда меле Лалаянцть мрдась меки и азондозе, што Владимир Ильичашезь согласинда примамс участия тя тевса. Сонь ули лия планот, а именна—общероссийский социал-демократический газетань организовандамась, конань сон думондай нолнемс омба масторса, коза и мялец курок молема.

1902 кизонь сьоксеть песта или 1903 кизоть ушетксста (аф мяляфтса ладняс) Владимир Ильич сашендсь Женевав и выступал ре-



ферат мархта. Эста мон васенда марьяне сонь выступлениянц и эста жа познакомилсь сонь мархтонза лична. Самай рефератть лувомашта монь ширезон стукась и сувасть аф знакомай ломань. Пингсь ульсь шоподема лангс. Мон думондань, што тьякие-кие российский ялгатнень йоткста. Сувайсь пейдезевсь и азозе, што сон Ульянов. Апак учсек васедемать эзда мон талмаскадонь, но аньцек минутань пингс, мес эстакиге жа ушедсть живой корхнемат, конатнень пингста сась Лалаянцсь. Уставаст шумнай приветствият и лятфнемат. Владимир

Ильич ульсь оживленай: сон веселяста и заразительна рахсесь. Мон озань шири и кармань ваномма. Вов сон, „Ильич“, конань пяк йорань няемс эсь сельмонень мархта, но кодама удивительнай простота сонь эсонза,—конашкава тьожда сонь мархтонза корхтамась Апак шарьхкодть йотась кафтошка част. Владимир Ильич прощандась мархтонк илядть самс. Тейнза эрявсь ваномс мезе-мезе рефератти.

Мон аф мяляфтса, кода лемневсь Владимир Ильичть рефератот. Сон корхнесь социалистический революционерхнень партиясон колга. Мон сань сатомшка рана, оцю залсь ульсь пашксе. Сембе женевский русский колониясь, монь мяльсон, фкянянь пес ульсь тяса: тяса ашихнень эзда кафта колмоцекс пяльксь ульсь эсерхт во главе Виктор Черновть, А. Р. Гоцетвь, Минорть, Екатерина и Брешковскаять мархта и тейст сочувствующай студенческий од ломатть; тяса ульсь „рабочедельский“ группась А. С. Мартыновть и В. А. Акимов—Махновецть мархта марса, „бундовецень“ и „искровецонь“ аф оцю группась, синь

(Полатксоц 3-це страницаса).



Тульский „Инструментальщик“ артельте техникум-конструктороц, ошень Советонь депутатсь, комсомолкась Л. М. Морозовась максь лама изобретеният и производствати тийсь различнай приспособленият, конат максь кемеотть тьожатть цалковой экономия.

СНИМКАСА: Л. М. Морозовась работаса. Фото-клишесь ТАСС-ть.

Куднясь, коса эрясь В. И. Ленин

1921 кизонь декабрьста Владимир Ильч Ленин врачнень настояниясон коряс тусь Москва и кармась эряма ошть фтала, вирь потмоса Костино веленять ваксса аф оцю кудняса мяк пцтай 1922 кизонь январь ковть пенцты самс.

Тяни тя вастса кассь рабочей поселка. Кудняса, коса эрясь В. И. Ленин, марнек тиф ся обстановкясь, кона ульсь ся кизотнень пингста. Куднять—музейть панжема шистонза—1939 кизонь декабрь 24-це шистонза сявомок ванозе 4500 ломань. Сембодонга пяк лама экскурсантта тяни, мзярда малась-кадкшнихть Ленинский шитне. Январь 12-це шистонза кудняса—музейса ульсь 170 ломань.

Владимир Ильич занцесь кудняса 3 аф оцю комнатат и прохожай. Комнататнень обстановкасн улсь пяк простой. Рабочай кабинетса—аф оцю письменнай шра. Шрать ланкса телефон, настольнай лампа, письменнай принадлежность мархта чернильной прибор. Кабинетса илиста кодаф мебель, стариннай сире частт, стенатнень эса кафта картинат. (ТАСС)

Ленинь колга память вечна ули трудящай народть седиса

Саранск ошень 31-це № средняй школань комсомольский и пионерский организацияне аноклафста васьфтезь и йотафнесазь Ленинский шитнень. Эрь класснай руководительсь классонза ученикнень йоткса йотафтсь беседат Ленинть эрфонц и деятельностиенц колга. Ленинский шитненьди полдафт общешкольной и класснай стенгазетат.

Тяни ученикнень и учительхнень

йоткса Ленинть кулома шиста сявомок кемготува кизонь толодемань годовщианцты ули йотафтф траурнай вечер. Ученикне декламировандайхть Ленинть колга стихотвореният и азондыхть рассказ и ст. тов.

Тяфта жа ули йотафтф траурнай вечер Саранск ошень 5-це № школасовок.

В. Симанин.

Кепсемс комсомоледнень идейно-политический уровеньон

Од Выселкань средняй школаса комсомольский организациясь аф шарфий эрявакс мяль ВКП(б)-ть историянц тонафнеманц ширес. Улихть комсомолецт, кода Машковась, Деваевась, Беляев Иванц, Келаскин Филиппсь, конат ВКП(б)-ть историянц тонафнеманц нинге афи ушеткшнесь. Да и сят илгатневок, конат тонафнесазь ВКП(б)-ть историянц, нинге 2-3 главада ичкози ашеть ту. Революционной теориять мархта овладенияса, оцю лезкс максихть лекциятне и консультациятне, конат кстати азомс, тя организацияса эряйхть пяк шуроста. Сембоп „Краткай курсть“ светс лисемдонза меле организацияса йотафтфт аныцек 5 консультацият.

Тя организацияса комсомолонь 41 членть эзда аныцек 6 тонафнесазь ВКП(б)-ть историянц. Школаса атак организованцак ВКП(б)-ть историянц тонафнемаса фкя-фкянди опытонь максемась. Учителхне Тараскин, конац конспектиро-

вал ни „Краткай курсть“ сембе главанзон и лувсь Плехановть „Социализм и политическая борьба“, „Наши разногласия“ трудонзон, Ленинть „Что такое „друзья народа“ и как они воюют против социал-демократов“ и иля трудонзон. Кузьмин, Ромашов и Паниматкин илгатне, конатнень тя обласьта аф калдыв опытсна, но тя опытьс илятненьди аф максеви.

Комсомольский комитетсь (секретарсь Учамбрин ялгась) индивидуальной собеседованият комсомолецнень мархта аф йотафни.

ВЛКСМ-нь Zubovo-Polyanskiy райкомти эряви шарфтомс мяль тя организациять работанц лангс и сатомс стама положения, штоба эрь комсомолецсь упорна овладевал ба марксистско-ленинский теориять мархта, систематически кепсельхце ба эсь идейно-политический уровеньон.

Н. Беляев.

Zubovo-Polyanskiy район.

Депутаткс кчкафт достойнайхне

Алякс велень Совету депутаткс кчкафт родинаць лучшай цьоранза, кода Антясов Д. Ф., Макушкин М. А., Антясов А. А., Барабанов В. И. ялгатне, Антясов ялгась гражданский войнаса родинаць героически араманц инкса казф „Якстерь знамя“ ордена. Макушкин ялгась, работамок „Виде ки“ колхозса председателксь, виинь атак ужальдть тюрсь Ста-

линский 7—8 миллиартт пуд сыронь получать инкса, конань мархта сон 1939 кизоня сатнесь Всесоюзная сельскохозяйственной выставкаса участиянь прават.

Тяни Макушкин ялгась работай Пой велень советса председателксь, коса пользовандай оцю авторитетса.

И. Чепин.

Кадошкинский район.



Горькийть лемса (Моску) Всесоюзная экспериментальной институтонь физиологический оптикань лабораториять старшай научнай сотрудник Н. Н. Лившиц, ВИЭМ-са лучшай научнай работань конкурснень пингста сязове нилеце премиять „Панчфнень бинокулярнай сложенияснон колга“ темас эсь работанц инкса.

Лившиц ялгась комсомолка и ВИЭМ-нь ВЛКСМ-нь комитетть членец. СНИМКАСА: Н. Н. Лившиц панчфнень бинокулярнай сложенияснонды приборть ваксса. Фото-клишесь ТАСС-ть.

Культурнай торговлять инкса

Аф кунара Ковылкинский Райпотребсоюзонь первичнай комсомольский организациясь эсь собраниясонза кулхшондсь райпотребсоюзть сообщениянц эсь работанц колга.

Деловойста обсудиндамок тя серьезнай кизефксть, комсомолецне лифтгсь райпотребсоюзть работаста лама существеннай аф сатыкст. Собраниясь отметил, што нинге тячимс комсомольский организациясь аф занимадондакшни хозяйственной кизефкснень мархта, ашезе ладе эсь работанц ВЛКСМ-нь ЦК-ть VIII и IX пленумонзон решенияснон коряс. Комсомольский организациясь и сонь секретарец Костина ялгась ашеть интересовандакшне 1939-це кизонь планть пашкодемандь мархта.

Комсомольский собраниясь при-мась решения, штоба лездомс райпотребсоюзити советский торговлять цебарьгафтомаса.

И. Тремаскин.

Ковылкинский район.

Йоткост Г. В. Плеханов и В. И. Ленин.

Сон корхнесь йофси проста, но пяк виюста, шарькодевиства и логически развивал мыслянц, бта эрхнесь эскт молаткать точнай и бойкай ударонзон мархта. Сяс сонь речьсонза вастсонза ульсь характернай жест: кемоста люпштаф мокшендац прашендсь вярде алу.

Мзярда Владимир Ильич аделазе рефератть, эсерхнень йоткса кеподсь страшнай шум. Пцтай синь сембе лидерсна выступали пренияса. Владимир Ильич пяк лац отвечась синдейст сембонди эсь заключительнай валсонза. Тя рефератть мархта сон йотась, тейнек арам, Швейцариять сембе оцю ошонзон, а тяда меле тусь Парижу, коса лувондозень эсь лекциянзон Сорбоннаса. Тя рефератсь кирдсь огромнай значения минь женевский, искровский группаньконди. Тяда меле няевиста кармась минь ширезонк йотнема беспартийнай од ломатне и минь вечероньконь эса пяк вишкста сявондезь „искрать“ и социал-демократический литературат.

Тяда меле Владимир Ильичть мархта мон васедень 1903 кизоня тунда, мзярда йотась „Искрать“

редакцияц Лондонцта Женевав. Эста мон макссень урокть фкя семьяса, конац эрясь ошть фтала. Весть мон молень ялга. Нияса, Владимир Ильич эрязста йотась ульцять туркс, ванонды кодама-бди куд лангс, тяда меле тяфта жа вишкста йотась меки. Нежедень малазонза, шумбракстонь. Содайн, што Владимир Ильич вешенди эстейнза квартира. Мон мярьгонь, што тейнза лездан и минь аф ламос якаме марса. Кись ульсь пяк цебарь и Владимир Ильичть пяк тусь мяллезонза природась.

Прощандамок, мон кизефтине, мес Владимир Ильич минь ширезонк аф варжаксты. Сон отвечась, што тяни пяк заняф, с'ездта инголе лама работада. „Мезенди жа имафнесак квартирань вешендеме пингть, тя ули кода эсьфемотка тиесм!“ „Аф, аф—отвечась сон,—тя монь планзон прогулка васте. Мон работать колма нилецекс пильксонц тинне, мезенкса жа лия ломаненди уставамс одук.“

Тейнь арам, тя кизонь июньцта мон васенда улень Владимир Ильичть ширеса, од квартирасонза. Тя ульсь кафта этажа типичнай швейцарский кудня ошть фтала. Тя пингть сашендсь с'ездонь делегатне, мон тя пингть Владимир

Ильичть квартирасонза сатонь Россияста саф лама ломатть. Алува, столоваяса ашеть аныцек саф Лидия Михайловна Книпович, Ленинть брадоц Дмитрий Ильичсь и нинге кие-бди. Владимир Ильич ульсь заняф и мярьгсь учемда. Мзярда сон сувась, мон мярьгонь, што сань сонь статьянц колга, конац эряви кчкамс типографияса. „Мон содаса, содаса, кафта статьят эрявихть, фкясь ули тяни, сов монь чернильничасон ни, а омбоцесь нинге и прысонга аш“. Монь мяллезон тусь тя образнай выраженье: „чернильничаса статьясь“.

Партиянь омбоце с'ездть аделама меле Владимир Ильичть, Г. В. Плехановть и лия делегаттнень Лондонцта самдост меле уставасть докладт „Искровецнень“ йоткса. Тя пингть мон сидеста няенькшнине Ленинть.

1903 кизонь ноябрь ковть пестонза Россияв работама тумдонинголе, мон нинге весть улень Владимир Ильичть ширеса. Тя ульсь ни сяда меле, мзярда тиедсь окончательнай разрыв Плехановть мархта. Ленин тусь „Искрать“ редакциястонза. Ис'ездта меле пинкнень мон ламоксть няендине Владимир Ильичть минь большевистский собранияньконь эса, но сонь эсон-

за мезевон пцтай ашезь полафта. Эстакиге монь сельмозон повсь, што сон пяк осалгадсь. Ильич васьфтемань монь, кода и фалу, пяк приветливайста. Корхнесь сянь колга, кода сави работамс Россияса тянийнь положениять пингста.

Мон азыне мыслянень, што васень пингть ули пяк стака, пока сави азондомс рабочайхненьди разногласиятнень и сембонь, мезе тиевсь с'ездта меле.

„Меклангт,—отвечась Владимир Ильич,—тыся тейть ули сяда тьожде. Рабочайхне курок шарько-дихть и арайхть минь ширезонк. Вдь рабочайхне, конат ульсь с'ездса, голосовандасть минь мархтонк“.

— Но меньшевикне фалу корхнесть, што ня рабочайхне ашеть шарькодь мезе ульсь с'ездса, ашеть примосе участия пренияса и мезевон ашеть корхта,—мярьгонь мон.

— Тя сякокс мезевон не значит,—мярьгсь Владимир Ильич,—синь ашеть корхта, но синь ванцть пяк йонюста.

Монь кизефксонень лангс, кода-ма линия вообще эряви кирьдемс

(Полатксоц 4-це страницаса).



ЗА БЕЗОПАСНОСТЬ ГОРОДА ЛЕНИНА.
ЗА РОДИНУ, ЗА ВЕЛИКОГО СТАЛИНА!

Рисункась Г. Валькть и Г. Беларевть. ТАСС-ть фото-клишец.

Сяда оцю мяль школьвай эряфть ширес

Январь 9-10-це шинзон пингста Рузаевка ошса железнодорожный клубса ульсь йотафтф районнай учительский конференция. Конференцияса ванондсь колма кизефкт; 1. международнай положенийт колга (докладчиксь ВКП(б)-нь райкомть агитациянь и пропагандань отделонц заведующий Титов ялгась, 2) ВЛКСМ-нь ЦК-ть X пленумонц итогонзон колга (докладчиксь ВЛКСМ-нь райкомть бюронь членок Прокуронов ялгась) и 3) тонафнема кизонь васенце полугодиять итогонзон колга (докладчиксь РОНО-ть заведующий Нефедов ялгась).

Нят докладтнень коряс 11 лomanь корхтасть пренияса. Пренияса корхтай ялгатне кемоста критиковандазь ВЛКСМ-нь райкомть, сяс мес сон пяк кальдывста занимандакши школьнай эряфть мархта. Синь указывали, што Рузаевка велень школьнай комсомольский организацияса кафта кофт ни аш секретарь и организациясь мезнятка аф тиенди, но ВЛКСМ-нь райкомсь кодамовок мерат аф примоси, штоба ладямс тоса работать. Конференцияса корхтасть, што Инсар—Акшина, Огарева и лама иля велень школатнень

эса ученикнень йоткса аш кодамовок внешкольной работа. Итне школада меле катфт эсь отяпти.

Районца кафта школада (Болдувонь средний и Перхляйнь аф полнай средний школаса) аш старшай пионервожатайхть. ВЛКСМ-нь райкомсь пионервожатайхнень мархтонга сатомшка работа аф йотафни. Нльне теоретический семинар вожатайхнень мархта фкяввокашесть йотафта.

Однака, учительский конференцияса школьнай комсомольский организациятнень работаснон, синь учительхнень мархта взаимоотношенияснон колга корхтасть пяк кржа. Тя лиссь сяс, што ВЛКСМ-нь райкомсь инголькиге учительхнень не ознакомил ВЛКСМ-нь ЦК-ть X пленумонц материалонзон мархта. Сон нльне ашезь макссе первичнай организациятнень директивной указанийт, штоба синь ознакомилсь ба пленумса ВЛКСМ-нь ЦК-ть секретаренц Михайловть и лия ялгатнень докладснон мархта.

ВЛКСМ-нь райкомти пинге ни сяда серьезнайста кярмодемс тя тевти и шарфтомс сяда оцю мяль школьнай эряфть лангс.

М. Сайгин.

ВЛАДИМИР ИЛЬИЧЬ МАРХТА ВАСЕТЬКШНЕМАТ

меньшевикненьди отношенияса, Ленин мярьгсь, пейдезь: „Сявода кевкязезонт, ули сембодонга виде“ и эстакиге полафтозе корхтаманц.

Мон прощандань и тунь Надежда Константиновнати явканкса. Корхнематнень пингста кизефтемань монь: „Тон аф арьсят, што Владимир Ильич пяк полафтсь?“. Мон отвечань, што тейне арам сон йофси сяряди. „Аф, сон аф сяряди,—мярьгсь сон, но нйисак сон аш работамшкац, а тя тейнза любой сярядемада кальдыв“. Тяфта стакаста йотафтозе Владимир Ильич тя пингть.

1904 кизоня тунда (мартста) Россияса лама ковонь пингс работамда меле, мон тага улень Женева-са. Владимир Ильич монь ширезон сась сонць. Тя ульсь сонь чертац: мзярда кивок сашендоль Россияста работамда вастста, сон якаль сонць сай ялгать шири или ки лангста костовок кунцельхце сонь и кизефнелхце сембонь колга, Россияса партийнай работат сембодонга йомла подробностензон колга. Тяфта и лисендель, што тейнза макссесь полнай отчет, конац ульсь сембодонга живой корхтамас.

Владимир Ильич ульсь пяк цебарь мяльса. Мон нинге васень сельме варжафстакиге няине, што сон тага тяфтама жа, кодамкс мон содалине омбоце партийнай с'ездта инголе: веселай, бодрый, пшаксе лакай вийда. И тя ульсь шарьхкотф, сяс мес Владимир Ильич крга видева ульсь заняф. Большевикнень тевсна мольсь лац: нолневсь синцея „Вперед“ большевистский газетасна, конац кирдсь оцю успех Россияса; колмоце партийнай с'ездть инкса кампаниясь аделавсь и уставакшневсть ни тейнза деловой и технический анокламатне. Тянь кувалма партийнай организациясь моньге командировандамань Женева-с. Тяда меле, мзярда мон Владимир Ильичи азондыне Россияса сембе одиятнень, корхтамась йотась тевс, конань коряс мон саны.

Тя ульсь монь мекольдень васедемасе Владимир Ильичть мархта омба масторса.

П. КУЛЯБКО,

ВКП(б)-нь историянь Ленинградский институтт научнай сотрудникоц, 189-й кизоста сявомок ВКП(б)-нь членць.

КОДА ЙОТАФТОЗЬ КАНИКУЛАТНЕНЬ

Зубово-Полянский средний школань ученикне тьялонь каникулатнень йотафтозь пяк интереснайста и весяласта. Тяс 1—4-це классонь ученикненьди тийфтельхть йолкат, конат йотасть оцю сатфксса.

Каникулатнень пингста, кода и тьянинге, цебарьста работась пионерский клубсь. Сонь эсонза эрь шиня 9 частста сявомок 16 частс модемс ученикне налхксесь шахматса, шашкаса, доминоса и морафнесть идень художественнай книгат, газетат и журналхт.

Январь 6-це шистонза комсомольско-пионерский организациятне йотафтсь военизированнай лыжной поход, конанц эса примасть участия лама ученикт. Походонь участникне-лыжникне сембоц йотасть 24 километра.

Январь 8-це шистонза биологиянь преподавательсь О. Н. Суровцева ялгась школаса „Небесные светила и религия“ темас лувсь лекция, конань ученикне кулхцондозь оцю вниманияса. Тяда башка итне коллективна якальхть кино и экскурсияв.

Ваймамок цебарьста, культурнайста, школьникне одвийса кярмодсть учебнай кизоть омбоце полугодиянцты.

И. Чеканов.

Зубово-Полянский район.

МОПР-нь ОБРАЗЦОВАЙ ОРГАНИЗАЦИЯ

Образцовайста работай Лашминский спиртзаводса МОПР-нь добровольнай организациясь, коса руководителькс работай комсомолец Козлятников ялгась. Тяс йотафневи массово-разъяснительнай работа рабочайхнень и служащайхнень йоткса. Сембе сменатнень и цехнень эзга йотафтсь собраният, коса прорабатывали СССР-нь МОПР-нь Центральной комитетть сьорманц.

МОПР-нь четтне эсь собраниясост лифтсь постановления революциянь тевть инкса борценди средствань добровольна пожертвованиять колга. Сембоц организацияса кочкаф средствата 724 цалковай.

МОПР-нь Центральной комитетть сьорманц проработкадонза меле 40 рабочай и служащай сувасть МОПР-нь членкс.

Организациясь путсь эсь инголенза задача—нинге сядонга вишконтмс массово-разъяснительнай работат од членонь примать и капиталонь узникнень мархта интернациональнай сотксть кемокстаманц коряс.

А. Абакумова.

Ковылкинский район.

Антирелигиознай вечер

Аф пяк к у н а р а Кочелова велеса ульсь йотафтф антирелигиознай вечер.

Колхозникне оцю мяль мархта кулхцондозь учительница-комсомолкат Сиверина ялгать „роштовать классовай сущностенц колга“ докладонц, конада меле средняй школань учащайхне колхозникнень йоткса тиендсть выступленият.

Путнезь „Будьте здоровы“ пьесать, азондсть лама антирелигиознай баснят и декламировали антирелигиознай стихотвореният и ст. тов.

А. Абакумова.

Ковылкинский район.



Американский оружийнй фабрикатне Европаса войнань паксятнень лангсот. ТАСС-ть фото-клишец.

Ленинградский Военный Округт штабонц оперативнай сводкац

Январь 19-це шистонза шиньберьф сембе направлениятнень эзга ульсь разведчиконь вешенде-мат, а кой-кона райоттнень эзга—аф оцю часттнень йоткса столкновеният. Петрозаводский направления-Кителя районца минь разведывательнай группаньке тапась противниконь батальон, конац калсь 26 пулемет. Карельский перешейкаса передовой частень столкновеният, конат каньсть оцю имафкт противникти.

Лама районга минь авиацияньке тиендсь разведывательнай лиенде-мат и военной об'ектнень лангс боевой действит.

Ленинградский Военный Округт штабонц опроверженияц

1. „Дейли геральд“ английский газетась азондсь, што минь авиацияньке „серьезна срафтозе Хельсинкит фкя рабочай кварталонц“. Тя сообщениясь аф виде. Якстерь Армиять авиацияц ашезе бомбардировандакшне и афи бомбардировандакшнесы Хельсинки ошть и сембода пяк тя ошть рабочай кварталонзон.

2. Трансоцеан немецкий агентствась пачфни, што 44-це советский дивизиять командующайнц Виноградовть эйнаф ловажанц бта музф финский войскактне Суомусалми секторса. Тя сообщениясь стане жа аф виде. Комдивсь Виноградов ащи 44-це дивизиять районца.

ТАСС-ть ОПРОВЕРЖЕНИЯЦ

1939 кизонь декабрь 29-це шинь номерсонза, конац аф кунара получаф Москуса, „Франкфуртер цейтунг“ германский газетась Финляндиянь Петсамо областть историянц колга статьясь сьормадсь, што бта „Петсамо областть меки максоманц ащи сембода важнай требованиякс, конат лифневсть Финляндияти и конатнень колга Молотов корхтась октябрь 31-це шистонза эсь речсонза.“

ТАСС-сь уполномочен азондомс, што Советский правительствась мзярдонга изь лифне требованият Советский Союзти Петсамо областть меки максоманц колга и мезенге тяфтамонь колга изь корхта Молотов ялгась аф октябрь 31-це шинь реченц эса, аф лия речензон эса. „Франкфуртер цейтунг“ газетась азф сообщенияц ащи вымыслакс.

Ответ. редакторь Н. ТИШКИН.